

淡月清風



上海市图书馆

58.237  
索书号码 7574.08

登记号码 03373

共1册

01200

景志齋二卷

共 一 册 存 一 册 排架号 00210

00210

序

溫郡雙忠祠之祀陳忠  
毅公馬忠勤公由来久  
矣忠勤公從子名穎安  
者同死於難者也忠毅

公之忠也其殉節者  
有捕手林義馬而馬心  
家人張六寶亦殉焉馬  
公得謚以貲子參議君  
陳情上請奉

俞旨賜謚賜額與忠節  
公後先輝暎誠異數也  
而從死諸人當時未及  
具死難狀入奏後人  
壯其節為名設於祠

而奉頴公粟於中  
龕之旁側位置未協題  
名未稱毘陵謝厚菴  
參軍權篆於斯憲歟顛  
末因以告既為增建龕

天聽亦各有事略附見  
於篇而頴弗為之哀輯  
以徵信於後耶余觀察  
來甌七年於茲矣幸賴  
聖天子聲靈赫耀無遠

弗屈洋匪斂戢海波不  
揚得典同郡諸僚屬稍  
稍脩舉廢墜以示激勸  
系茲錄之裒輯抑更有  
闕於名教者謂非余不

樂觀厥成者哉是為序  
道光三十年歲次庚戌  
季夏

恩賞花翎分巡浙江溫  
處兵備道長白雲浦慶

廣好手撰并書



駕

賜御書名垂青史額

諭曰爾父爲國殉難朕至今憫之賜此特表爾父之忠

甯海將軍諡惠獻固山貝子功德碑

蓋聞元老壯猷方叔建維城之畧宗邦作誓魯公整淮水之師故緯武經文更有碑沈水底而輕裘緩帶定知淚灑山頭非徒幕府功成宣之饒吹太常論定鑄以鼎鐘也我

皇清甯海將軍諡惠獻固山貝子宗室福公殿下玉牒僊源

金枝帝胄鍾白山綠水之間氣混漾銀潢受彤弓旅矢之榮

封輝煌寶冊茲開似月必逢貫蝨以稱奇劍淬成花恒爲勦

犀而耀彩乃者八閩有耿逆之變兩浙受殃及之危紆將潛  
通妄營鼠竄羣陰肆狡謬效連雞蔓恐難圖波將漸及南天  
關隘已破甌閩全浙藩籬竟侵台處倭

王師之直下俄宗子之邁征躬在行間阨諸境上保赤城而  
却敵已殲宋萬於軍中追緣嶂而燿師復擊揚公於水溪移  
軍溫郡民欣時雨之來蘇大捷上塘賊苦迅雷之難掩由是  
隨山而得路復連筏以渡江嶺號太平遂駐西山壁壘寺名  
護國應爲東道祇林秉鉞以指揮龍戶蛟門並壯登壇而號  
令江氛嶺禔全消斬將塞旗背水而鸞鷲俱陣追奔逐北通  
宵則草木皆兵固已三軍罷虎無不壯其猷而一隊蟲沙自

此驚落膽矣遂使閩浙全收栝甌再造新花細草兵氣爲日  
月之光剩水殘山故壘護風雲之色益力支大厦總天家之  
籌畫居多手障狂瀾實閩外之勤勞最著也雖

廷議已加隆典

國史亦著崇勛但身沐深恩淺曲溟而卑華嶽目親偉伐仰  
北斗以拜福星風土謳唸徒成稗史月明嘯咏久仰山頭昔  
年辛苦之鄉魂應戀此是日兜率之宇神之格思旣蒙靈位  
之重新應得豐功之載紀僉呈上請勒石垂芳某等承乏名

都瞻依盛烈耳聞目覩久傳故老之言心銘口碑難逆輿情  
之請於今爲烈則當時之功業實屬非常歷久彌彰而此日



之表揚正以傳信因卽會同之公論錫爲不朽之貞珉庶勛  
猷與日月爭光俎豆與山河俱永矣 告

乾隆歲在庚申孟秋之吉浙江溫州府知府楊士鑑永嘉縣知縣何  
巡溫處道副使吳士端溫州府知府楊士鑑永嘉縣知縣何  
樹萼溫州府學教授陸汝欽溫州府屬紳士陳玉綬等公立

溫州府志名宦錄

陳丹赤舊志閩縣人康熙十三年任分巡溫處道覲回聞變  
間道抵甌與紳民固守以待援師六月朔叛鎮內潰城池不  
測丹赤風節自持親詣大觀亭閱視鎮亦偕往卽欲獻城因  
素知其梗直陰使部卒持刀環立勢脅必從丹赤奮不顧身

力諍被害事平

贈通政使司政使奉

葬祀郡名宦廕子一夔任安吉州知州續擢兵部職方  
司任湖郡守

馬璉通志陝西人康熙十一年知永嘉縣明決有才值十三  
年閩變郡帥內叛脅之不從遂與副使陳丹赤同被害事

聞

贈按察使司廕子逸姿入監給銀致祭崇祀名宦按舊志璉  
有異政得民心叛帥之變至死猶罵不絕口姪馬穎姿家人  
張亦寶同捍賊遇害逸姿官至蘇松糧道康熙四十二年

景忠錄 卷一 五  
駕幸江南因奏父殉難本末

賜諡忠勤

溫州府志雜記錄

康熙十三年耿逆叛變四月至平陽遊擊司定猷縛總兵蔡朝佐以獻城陷偽都督曾養性吳長春偽將軍朱飛熊盤踞平邑潛師渡飛雲江攻瑞安不下轉踰桐嶺溫鎮祖宏勲遣副將楊春芳遊擊魏萬侯迎敵萬侯與其子棟俱戰死春芳退歸賊遂進屯郡西山宏勲潛圖異謀六月朔集文武官於大觀亭諸悍卒悉露刃巡道陳丹亦知有變抗聲不屈與知縣馬璟俱被害賊遂入城脅迫剪辮加宏勲爲安遠將軍聚

數十萬往攻台州路出樂清城守蘇慕代死之賊乃長驅攻下嶽縣天台仙居等城時 康親王奉命帶領旗兵討逆至杭州會議與貝子福喇塔分路征勦王由衢州救閩貝子救護台溫自錢塘江飛渡紹興進發一路轉戰而前所至克復賊乘夜拔營水陸南遁貝子自甲寅十一月至台經年底定台州乙卯八月初一日曾養性從水路逃回溫郡獲江心寺僧體印夾帶楊春芳書一封即將春芳及萬侯次子桂弁體印磔於市賊兵從陸路奔逃貝子兵追躡乘勝復樂清用溫州府學生員夏聲字君周爲鄉導發兵從柘溪沿山至青田渡江抵溫界賊由上塘抵禦貝子預於綠樟地方之寶勝寺

景忠錄 卷一  
伏甲以待佯退至綠嶂賊尾追中伏截殺賊首尾不相顧勢  
遂大潰養性聞報乃造水城石城掘濠河折民房爲久守計  
貝子仍由上塘神溪間道而行又遣疑兵於下馮山作安營  
之狀以候滅之戰艘而大兵潛由溪口過平堰灘從白溪一  
路踰天長嶺直至郡西山屯營於君子峯上前軍屯扎萬丈  
平山貝子常到此直登山巔相度形勢視郡城瞭如指掌令  
各旗安營日夜用大礮攻城賊驚擾被傷者衆此皆生員夏  
聲計畫賊密偵知遣細作捕捉夏聲多方躲避且幸各百姓  
保護僅得身免大兵屯駐日久貝子正圖進兵詎賊於康熙  
十五年丙辰二月十七夜用埋伏計於二更時分潛師出三

角門水陸齊犯投火燒着各處營盤貝子傳令合兵一處相  
機分路勦殺山上火光冲天黑夜如晝貝子登高瞭望見賊  
掠奪各營所有就用誘敵令被燒下營移踞上營謹守隘要  
各整鞍馬飽食候令逾時天明傳令兵馬齊出貝子親督大  
軍下山殺賊賊兵因無隊伍大敗尸橫遍野追至將軍橋灰  
橋等處扼其歸路賊不能過盡墮水中水爲不流斬首二萬  
餘活擒賊將無數養性墜馬浮水逃入郡城堅守不出茲受  
也總兵陳世凱巡道姚啟聖知府王國泰知縣鄧廷俊等轉  
餉籌兵撫恤流離人心樂附至耿逆歸誠養性等俱於十月  
朔日薙髮回闔及溟閩平以反叛伏誅

甲寅閩變浙東溫州總兵官祖某潛已通款一日伏甲於資福山之天觀亭集眾官議餉巡道陳公丹赤永嘉令馬公琿皆在坐逆鎮厲聲云兵餉不前士盡飢餒抄陳道家足以給餉有巡道夜不收卽夜捕手林莪者挺身前曰爾欲抄吾道主家豈非反耶遽扶陳公出逆鎮大喝曰小人何敢如此林曰吾小人心巾惟知有道主道主心中惟知有朝廷不似爾等享高官厚祿早已順賊一心惟知有賊也逆鎮愈怒揮甲士寸磔之二公不屈皆遇害後邑人立祠祀兩公廡下設林莪像被皂服凜凜有生氣

者隨我上山當卽此人也

陳忠毅公傳

杭州陳善扶雅氏撰

陳丹赤字獻之侯官人順治八年舉於鄉十七年授四川重慶府推官權重慶夔州知府時張獻忠初滅蜀東尚爲十二家所據征師四集丹赤籌糧餉以濟軍食復招流亡墾荒萊緩刑禁以蘇民困蜀平以最擢刑部主事丁內艱歸起補原官遷員外卽諫獄多平反監天津關稅不名一錢遷兵部郎中出爲浙江僉事分巡溫處道構按察使丹赤以溫州濒海分巡無兵何以守康熙十三年三月入覲草封事請復標兵至山東會慎變作

詔天下入京官還守丹赤還東昌聞閩藩耿精忠反方食投  
箸起口溫州與閩接壤閩叛必首攻溫州溫州失全浙不可  
支矣卽棄舟陸行兼程至維揚時自長江至錢塘戒嚴舟楫  
無敢夜行丹赤駕小舟四晝夜至杭州謂撫軍計事卽馳赴  
溫州爲守禦計當是時平陽叛將司定猷通耿逆以兵逼瑞  
安副將楊春芳聲言往援實無鬪志海寇朱飛熊又乘間入  
內港鄉民爭提挈挽負入城守城者欲不納丹赤曰城以人  
爲固人以食爲命今民輦米粟入城民卽吾兵食卽吾餉亟  
宜納之與共守於是來者數萬人然賊已逼溫州副將楊春  
芳忽撤兵去人情洶懼城中官弁多通賊丹赤草檄告急於

提軍插飛羽日馳數十次而援師猶未至丹赤獨守南門誓  
與城存亡賊知之併力攻擊丹赤亦不避矢石以忠義激厲  
士卒皆感泣願死守先是總兵祖宏勳與賊通僞遣游擊馬  
文始協守實以窺丹赤意丹赤誓以身殉宏勳於是陳甲仗  
於城東大觀亭集文武官議事思以兵脅丹赤赤弗知也千  
總姚紹英知其謀諫勿往不聽旣至見兵皆露刃夾階立坐  
定宏勳曰無兵無食將何以守丹赤曰提標前鋒已集五千  
何謂無兵糧餉可給六月何謂無食宏勳曰無船奈何丹赤  
曰江上水師戰艦禦寇於下流民船迎援師於上流何患無  
船宏勳語塞賊黨出耿逆書誘獻城丹赤怒碎而投諸地曰

此豈可以汚吾目耶吾頭可斷城不可得也宏勛持丹赤手復好語慰曰公獨不念骨肉墳墓在閩耶丹赤麾宏勛手曰封疆之臣但知守死封疆不知其他宏勛知不可奪曰千總高魁持斧擁丹赤出赤指宏勛罵曰叛賊汝殺我

朝廷必寸磔汝兵刃交下而死時六月朔日也永嘉知縣馬界躍而起曰

國家養若輩反黨賊殺封疆大吏吾耻與若俱生罵不絕口遂同遇害丹赤時年四十六事聞

詔三下議卹贈通政使蔭子一夔入監

賜祭葬諡忠毅三十五年

勅建雙忠祠於溫州祀丹赤及堺陝西人聞人復祀丹赤於道山三十八年一夔迎

駕於杭州

賜名垂青史額曰以旌爾父忠乾隆五十九年

詔殉難諸臣未予世職者給恩騎尉世襲大吏以丹赤四世孫登齡襲職登齡卒子駒襲

重建雙忠祠碑

商邱宋牧仲撰

雙忠祠者故奉

敕建以祀死節之臣溫處僉事陳公知永嘉縣事馬公者也

康熙十三年逆耿叛於閩勢張甚浙東西大震溫州首被圍

二公相與謀曰溫界閩越之交無溫是無閩浙也吾儕讀聖賢書誓以死守脫不濟義不苟活約既定灑泣登陣帥士民盡守禦計甚備而總兵官祖宏勲者潛通賊爲內應佯以缺餉激怒其衆一軍甲而譟劫二公會議於郡之大觀亭二公大聲曰欲餉則與餉耳是何爲者又反復開諭以

國恩不可苛負宏勲語塞氣奪恐衆心動益大怒時陳公方以扇指麾突以白刃橫擊手隨扇墜馬公瞋目大呼亟起搏賊賊從後揮刃中公頂流血被面公卽以首掙宏勲曰吾與若俱死矣俄羣賊蜂至遂同遇害至死罵不絕口時甲寅六月朔日也丙辰

王維屏聞訃上其事

陳公從優議贈卹祭祭葬賜諡

年  
賜陳公從忠毅獨馬公格於階例不得予諡會康熙四十二年

上南巡蒞吳時馬公之子以叅議督糧吳會陵公例以易名之典上請得

俞吉賜諡忠勤又御晉旌勢葵忱扁額俾揭祠首蓋異數也

先是雙忠之建地故秋險又制擁樸罕陋而忠毅故有專祠

有司等語此奉行故事以故茲祠享祀不虔屋宇不戒彫剝

浸恐口節就圯壞叅議君懼變越

宸翰無以副

朝廷優渥平章乃謀所以新之而溫人聞命咸來言曰祠之不飭吾儕小人之罪也於是櫛杷交貢踴躍輸委木石餽甃丹漆灰鐵之屬充初時積不旋會而其乃名工師相方視陞叶謀移構於華蓋朴斲版築子來蒞事凡三閱月而告竣為門為廡為堂為宇峻整宏觀輻輳翼煥然改觀已乃揭御書於前榮龍跳鳳翥金碧焜燿觀者無不愕眙震聳或仰而嘆或俯而思歎呀喜慶未曾觀升主之日有司庶職咸在卽享登降饋餼或奠牲碩酒精禮備樂舉邦民和會羣飽歌詠謠乎哉洵足目饒

上原而安中者也既有事於公諸公之言發諸禮儀之碑志其重更始而德符以考余夙欽二公之高節不敢以不文筆述其古來之以雙忠祀者莫過於唐之張公巡許公于忠且氏謂其守一城捍天下蔽遮汀淮阻遏賊勢舉唐天下之所以不亡咸歸功焉今溫全浙之門戶也首嬰逆寇旬邑之憂望二公故孱然儒生耳令其稍委蛇覩顏苟延自餘必從風瓦解全浙之存亡未可知也惟其視死如歸甘蹈白刃以身作忠義倡故聞風者爭自奮勵堅壁斷齧卒能保有浙西賊不得尺寸入以待

工師之擬定是則二公之功比於張許其又奚愧抑若張許



之在唐也奸邪之徒猶有異論而具時爲二上者雖事復變  
亦未有赫赫異數之加哉

斷學德意切待正事諸臣甚厚計甲寅距今二十餘年而  
恩施早已播諸前代莫與比隆云云之付下與下之事上其  
可謂至主龍交嗚呼何其盛哉按二公皆起家乙科陳公初  
司李於蜀課最入郎署旋以敘事出守馬公始任山左之昌  
亦有憲政補永嘉不數月而化大行其治績皆有可紀茲不  
著著其死事之六者陳公諱丹赤字獻之福建侯官人順治  
辛卯舉人由直隸道僉事贈道政使諡忠毅馬公諱璿字奉  
璋陝西武功人順治甲午舉人由永嘉縣知縣贈布政司參

政諡忠勤參議公名逸姿字雋伯由廢生歷任今職有能名  
受知於上將大用請額建祠忠勤於是有子例得附書乃系  
以詩曰

惟清受命奠覆九區有弊其間爲偷爲竊盜煽八閩蹂躪浙  
土叢爾海疆門戶措拄於鑠陳公持憲是邦堪胸碎首斃於  
頑凶馬公罵賊髮指眦裂與城俱亡嚙齒喋血雙忠烈烈生  
氣不磨

帝曰余恫贈卹有加死勤廟祀載在典禮靡不有初閱此而  
祀烈烈雙忠久而彌赫載沛

殊恩

景忠錄 卷一  
龍章用錫新祠斯作侈於舊觀柏版松楹寢成孔安葵藿之  
傾太陽斯照惟

帝念哉是旌是勞璇題有爛如日正中照示來裔高廣有融  
蜃江之濱吹臺之址魯公信國鼎足焉時有穹斯石鐫以銘  
詩凡百有位敬而式之

重建雙忠祠記

陳遇春鏡帆撰

雙忠祠之廢興於今凡三矣雙忠者僉事陳公丹赤邑令馬  
公瑒也康熙十有三年遭耿逆變同日死義事定奉

詔建祠

御旨雙忠祠額賜陳公謚忠毅馬公格於例未之及此祠之

初建也續馬公子名逸姿者由廕生歷任蘇松督糧叅議陳  
情請謚得

賜忠勤並

賜旌勞葵忱四字叅議公復於其旁創一祠敬奉

宸翰前後三楹旁廊後閣望九峯屏列烟火萬家巍然大觀  
此祠之再建也祠踞華蓋山頂當風雨之衝不久而聖者剝  
聖者朽故廢壞尤易嘉慶十年雨堂黃公令永嘉有志興修  
屢與余言擬先發祠內貯金三百葺之時大厦未傾圖功猶  
簡旋以上游多公政聲調任錢塘事遂寢越九年九和希齋  
黃公來權邑篆政暇登山詣祠大半傾圮神主暴風日中慨

歎者久之知忠教公爲其鄉侯官人因與閩人寓甌者謀復其宇成欣然從之屬余襄事余重黃公之舉不敢辭不數月工粗就希齋公調任平邑邑人士聞而樂輸無間乎閩人祠藉以成此三建之始末也初叅議公隨任永嘉年幼耿難作甌人襪而出渡江自焦山而梅譽而小京而寒埠入崑陽匿之潘氏崑陽地險山高人跡罕到乃得安然無事宜其不忍忘先人之於甌弁不能忘我甌之人也復置田百有十畝供祠之六祭與葺祠及守祠者需爲久遠計迄今百餘年矣祠廢而復興豈非二公之烈而叅議公之孝思不匱亦有以歟之歟至二公之偉節

寵光宋牧仲尚書暨黃希齋邑侯兩記在可無庸贅抑聞忠勤公猶子名穎姿同時赴難未得上聞人亦希有知者余因雙忠祠廢興之由附記於此以補志乘之缺云

雙忠祠增建龕座記

進謝蘭生撰

康熙十三年耿精忠據閩叛烽烟告警首及溫州蔓延台處諸郡溫處道僉事侯官陳公丹赤永嘉縣知縣武功馬公瓌皆殉難初溫州之入寇也以甲寅二月聞變平陽游擊司定猷縛總兵蔡朝佐獻城斯時合郡官弁皆賊內應公以危急羽檄飛告提軍救援師竟不應祠賊黨出耿逆書誘公獻城公碎書擲地登陴捍禦益力與馬公計死守總兵祖宏勳與

景忠錄 卷一  
賊私通以六月朔日謀殺二公於大觀亭知府蔡兆豐跪獻  
印信宏勲迎賊入城賊攻樂清樂協蘇慕代死之迨乎貝子  
福王剌塔督師莅浙掃蕩賊氛丙辰以事上

聞奉

詔從優議卹廕

賜陳公諡忠毅馬公例不得諡公子參議君逸姿於

皇帝南巡時接陳公例以易名之典上請

旨賜馬公諡忠勤

勅建雙忠祠於溫郡嘉慶六年奉

特旨賞給忠勤五世孫象南恩騎尉世襲罔替其同遇害之

巡道夜捕手林莪被賊寸磔死尤慘酷邑人祠祀兩公廡下  
以馬公家八張亦竇附焉福王平定諸郡厥功最巨甌人向  
於冷翠閣立祠祀之閣建於紹聖二年楊公濟百詠詩稱爲  
昔八游覽之所祠建於康熙十三年後被颶風傾圮置福王  
栗主於護國寺是在賢有司舉而行之耳已酉冬蘭生奉溫  
參軍之檄赴任後常與王樹棨學博朱辰煦司訓論祠廟廢  
興適吳廷康二尹于役東甌偕登華蓋山謁雙忠祠見一小  
栗主書奉

旨優卹同殉難姪穎姿神位詢之祠人云此永嘉馬縣主姪  
少君也栗主斜置大龕殊不合式因與署永嘉縣張鏡蓉明

府改換栗主於大殿旁增建龕座安置神位俾正名分而免混淆祠外什碑一律扶起請於觀察長白慶公廉太守覺羅常公恩僉稱曰善凡茲粗爲經理雖係步武前人實足徵信來許今輯碑志傳記編爲一冊偕寅好並紳士登山詣祠復輯題詠若干首以記斯舉以備採擇云

謁雙忠祠記畧

道光己酉署參軍謝厚菴先生邀同人登華蓋山經理雙忠祠諸等亦同瞻謁祠內正殿大龕一座則陳忠毅馬忠勤二公栗主在焉其小栗主爲忠勤公姪諱穎姿神位糸軍增建龕座安置殿旁符體制也聯句云一代忠奸文武際二陵風

題陳貞亭僉憲殉節詩

按正漁洋集陳公諱丹赤閩縣人順治辛卯舉人自兵部郎中出爲溫處道僉事總兵官祖宏勦叛死之贈通政使此詩係漁洋山人于士禎所作

爭飛海水動妖氛大節堂堂獨不羣  
眞見司農生擊賊還同車右死鳴君赤城地遠埋殘骨  
朱烏魂歸哭陣雲他日東甌應廟食靈旗風雨夜深聞

詠梅軒景忠錄

謝蘭生 晚季 編校

卷二

甲陳觀察

瑞安胡濬

養兵十載竟如何臨難誰人荷一戈惟有三山陳副使孤忠  
激烈壯山河

陳君秋坪出其高祖溫海道僉事忠毅公遺像見示為

作長歌以贈 按陳忠毅公丹赤闖人陳秋坪先生登龍  
之高祖梁芷林中丞浪跡續談載其師林

暢園先生長歌  
一篇即此是也

三山林茂春暢園

我朝定鼎際初載版籍河山盡四塞碧海鯨鯢取次清羅  
平妖鳥誰畱在恩波帶礪策殊勲炙手封藩勢絕倫桂宮自  
闢銅龍寢芝册親鑄鐵卷文狼烽忽報閩南起吮血磨牙等  
封豕東海鳧毛預告妖三山魚爛怒難止憑陵殺氣亘中霄  
聖子迎降翻見捲箭鋒直抵錢王塢門艦紛乘羅刹潮陳公  
本是英雄士兩淞門庭左右倚鬚戟全因憤激張孤身不畏  
流離死蠶屯蟻聚在邊封獨立支持恨不窮辛苦量沙隘道  
濟艱難誓衆泣臧洪豈知扼虎雄謀壯叛魁已入軍符帳盜  
鑰逢孫敢北門揮戈朱序臨淮上忠肝赤膽氣慨慷仗劍臨

我憤莫當唯嗚呼向危城隕下壺都因罵賊亡

天賦一口靈羣喚凶徒自獻囊街首勁節當邀延賞恩貞名  
吞並旂常壽至今後嗣襲餘芬遺像稜稜此日存烏衣本是  
諸王後敵屢誰知楚相孫叔子遺物愁蕭索一領青衫甘落  
泊題柱道過司馬橋叨榮耀上孫公閣百年舊德尚如新振  
奮終期此口身卧看雲霄健融不忿沈海兀窮鱗

弔陳憲馬邑令殉節

瑞安方惡

正氣亘今古浩然靈直貫哉又信國丹心照汗青君恩既  
不負靈節實星斗誠忠憤此國黎公可與友公本股肱儔

帝簡巡東... 且肆焚賊... 顏事... 亡抗志... 義死... 我拜儀... 所結英魂... 然聲悲咽

華蓋山弔雙忠祠

青田端木國瑚子象

苔發墜蒼山昏狸白日嘯不知誰代祠靈主自相弔碑年迺  
康熙雙忠字未壞副使陳丹赤知縣曰馬騁狂耿吞八閩  
上鯁其吭大帥祖宏勲叱開城門降副使勃然起大呼何敢  
反口開頭已飛電光逆兩眼知縣奮罵賊白刃挂其喉奴前  
併命死同死主與仇事定詔殊烈死地長祠祀祠祀百十年  
俎豆化蟲蟻荆棘縱復橫魂魄棲窈薄常聞叱賊聲黑夜走  
瓦礫天地長清明山川還激昂甯使九土下魑魅笑忠良大  
聲叫帝閭誰者狡斯土哀哉奴子孫悽悽守風雨

守祠即馬公奴某之

子

已酉仲冬邀湯果卿張鏡蓉兩明府王簪生朱竹筠一



廣文吳康甫二尹金簡菴巡政並紳士同登華蓋山謁  
雙忠祠用閩人林暢園先生題陳忠毅公遺像韻感賦  
一章藉徵題詠

武進謝蘭生

忠奸事實史筆載督師受命鎮邊塞福王奉命專征疆域一統歸大

清跳梁小醜今安在旂常竹帛書奇勲功蓋寰區孰與倫御製

碑文功德碑文今已訪求編入狂寇肇禍通武臣武不殺賊偏殺文陳馬二公被祖

謀害耿逆負固據閩起奔突之勢勝封豕温台處紹滋蔓延

羽檄連江飛不止薰天毒燄蔽雲霄逆書脅迫來相招誰知

狗彘甘從賊頭使降幡咽暮潮卓哉陳公眞志士鬚張髮指

立不倚灑泣登陴捍禦堅難母苟免誓以死大令不負百里

封禦侮力竭恨莫窮寇鋒雖利何足畏常山罵賊聲彌洪日

星河嶽氣同壯英風怒號生虎帳予諡榮恩先後邀雙忠名

泐建雙忠祠在康熙三十五年陳公報國捐軀志

慨慷求仁得仁仁克當當時舉扇指揮手隨落宏勲以白刃橫擊觀察手

隨扇瞋目大呼吾與若俱亡馬公博賊賊揮刀中頂遂遇害僕從義氣壓羣

醜甲士揮戈碎其首陳公役林義被賊寸磔栗主誰當附殿

楹竹林高節貞珉壽馬公僕張亦質同殉難兩公家世守清芬題詠遙

傳遺像存碧血塵埋幾百載名德定有賢子孫我來弔古亞

蕭索折腰升斗嗟落泊景仰當前華蓋山魏我不讓凌烟閣

蕭索折腰升斗嗟落泊景仰當前華蓋山魏我不讓凌烟閣

聯輝繼美澤常新奕葉馨香報此身羞煞貪生忘義輩枉教  
罪不蔽魚鱗

署溫府參軍謝厚菴四兄以謁雙忠祠詩見示卽次原

韻奉和

梁溪楊鑑寶三

皇朝丕基億萬載終古烽烟靖闕塞衷忠自昔建雙忠崇祠  
華蓋巍然在保障兩浙昭殊數大節不奪誰匹倫一城曾作  
江淮蔽合並張許垂韓文當時耿逆變忽起妄思薦食等封  
豕東甌濱海當其衝妖氛方熾戈難止陳公浩氣凌雲誓誓  
死不受降幡招馬公同心力捍禦中流砥柱迴江潮灑涕登

腸叛鎮狠毒勝蠱蠹陽發陰噬謀潛藏持斧竟擁丹赤出罵  
賊馬騁同遭傷僕役殉主姪殉叔亭前碧血流淋漓剛大之  
氣塞宇宙天風吹骨土亦香儒生肝胆有如此武臣面目無  
輝光

天恩高厚予贈襲

叔建祠宇爲表彰雙忠之名足千古

宸翰嘉美誠焜煌祠祀不遺親僕從屢劾階末宜周詳至今

華蓋山前路猶仰豐碑照夕陽

厚菴囑題雙忠祠

錢直蔣成退菴

華蓋山勢高接天雙忠祠在山之巔浩然正氣薄雲漢歷今  
一百七十年我心嚮往慕景行作歌憑弔重流連自昔逆藩  
據閩叛螳臂當車矜猛悍紛紛掠地擾邊疆偪近東甌先被  
亂東甌兵力非不強可恨武臣多昧良不思捍寇轉名寇流  
言煽惑謀譟張偉哉巡道與太令擔荷綱常存至性城頭罵  
賊守禦堅不圖內變來鴉境大觀亭畔碧血滅鬚髯戟張氣  
猶勁僕張亦寶役林莪延頸餐刀同畢命將軍旗鼓從天來  
妖氛迅掃無纖埃入告兩臣死國事  
詔從優卹頒欽哉子孫襲爵世罔替建祠子祭  
恩廣推易名之典先後錫寵爾姓氏書雲臺吁嗟乎我聞事

君當致身彼貳心者猶是人胡以

王朝之命士而甘俯首屈膝爲賊臣不過偷生旦夕旋受戮  
何如二公殺身以成仁維持天地之大倫吁嗟乎忠毅可以  
勗有官忠勤可以勵守土仰此巍巍華蓋山雙忠大名自千

古

偕謝厚菴諸君登華蓋山謁雙忠祠感賦四律

大興金居敬簡菴

雙忠昭代有祠堂生氣猶存百鍊剛恨獻銅符招寇入誓揮  
鐵騎與城亡二難偉業如山立萬古流聲並水長今日登階  
敬瞻謁滿庭春草尚餘香

大觀亭上忽陳兵禍變誰知肘腋生露布不容傳列那降幡  
旋已樹孤城手隨扇落猶伸指頭與刀飛始絕聲武秀文從  
亦愚甚忠奸千載自分明

王事惟應盡鞠躬披肝願効補天功妻孥並置塵埃外名節  
爭畱宇宙中

原句歐江門戶關全浙  
聖世安危賴二公

僕隸尚知當殉義寅僚

何以竟忘忠相逢地下應羞悔遺臭流芳迥不同

大敵當前視等閒碎書怒擲詈羣奸捐糜何惜身先死靈爽  
終教地復還一代旂常繼張許千秋俎豆共江山成仁取義  
都無愧君子人與伯仲間

雙忠祠懷古

大倉趙嘉梁竹渠

閩南烽火熾觀察死封疆臣豈身家愛兵難肘腋防招魂風  
亦慘埋骨土猶香華蓋瞻祠宇山高更水長

令尹常山舌丹心日月懸憤同江水逝節著竹林賢僕亦同  
時殞軀先爲國捐大觀亭畔路碧血泯何年

雙忠祠弔陳忠毅馬忠勤

武進謝昌霖雨亭

巍巍華蓋接蒼穹頂禮焚香瞻謁同慷慨一心持寸鐵艱貞  
千古鑑雙忠旄頭星焰謀潛起畫角雲昏賊內証僕役亡身  
皆殉主竹林勵節並清風朝聞夕死緣明道倖免偷生未反

躬宇由多情雷簡策山亭遺臭是熊熊  
褒題知遇恩原重歌詠流傳興不窮  
仰止英標薦蘋藻綱常大義振顏  
顰

謁雙忠祠

永嘉會埜曼琴

張許殉封疆睢陽並俎豆死地予以祠  
國典由來舊八閩掃機槍甌土罹兵寇  
志誓保孤城縣令與憲副閩帥倒厥戈  
脅降不為守兩公奮而起忿激大聲詬  
叛卒勢匈匈霜刃夾其脰臂斫氣益  
彊頭斷身不仆頸血灑蒼穹風雲慘  
白晝崖崖華蓋山昔年有遺構丹碧  
暗雕甍莓苔漬石盤風蕭雲旗飄

月黑靈車走同時赴難奴恍惚尚左右  
摳衣仰前楹再拜酌清酌忠義流芬芳  
國賊有餘臭

謝厚菴諸君邀謁雙忠祠

蘭山密雲路得軒

戰守均非叛鎮志缺餉激怒逞詐偽兩  
公百折心不回為國捐軀識大義潛謀  
通賊祖宏勛目視高魁會意副憲據遭  
斧鑕傷頭與刀飛不仆地罵賊又殞馬  
武功同時殉者有隨侍賊膽方張肆無  
忌謀殺二公等兒戲寸磔何待

朝廷刑饒命驚呼老爺至副憲遇害高魁忽然跌倒大呼  
呼公之生時嚴武備死為鬼雄表奇異旌忠陳大老爺饒命七孔流血而死

宸翰內府賜忠毅忠勤先後諡

勅建雙忠瞻古寺忠已顯矣良亦遂忠奸事實人能記焚香  
追憶當時事

大觀亭弔陳馬二公

大興金贊助午橋

大觀亭上風蕭蕭伏兵利刃各在腰觀察一言激賊怒子猶  
揮扇頭飛刀亭下殺聲亂雲起將軍以下皆賊矣縣令倉卒  
無計施以首擊賊賊不死兩公奴隸林與張大呼逆鎮胡披  
猖義氣冲天身寸磔黃沙不掩白骨香可笑當時蔡太守獻  
城納印忘其醜天兵頃刻蕩妖氛霜鋒殺賊如屠狗雙忠祠

宇神赫然公等義烈千秋傳跳梁風輩今何在惟見甌江清  
日寒

敬題雙忠祠

海鹽朱葵之未梅

吳逆首亂耿逆從逆書煽逆逆鎮通大觀會議以兵脅山亭  
殺氣漫虛空繡衣使者今元龍從以令尹馬扶風列列小校  
疑司弓趨而走者一短僮議兵議餉逆亂窮誘以好語思牢  
籠盧龍之塞誰敢賣毀書詈賊何從容以扇指揮遭反攻腕  
隨扇墮如斷蓬令尹急起猝逆胸陰刃刺血流階紅有姪衛  
之殯厥躬德役殉死從同高官厚祿甘背主蠹茲斷養皆

英雄太守獻印可憐蟲巖置竟陷荆棘中兩公浩氣成長虹  
逆鎮從逆終罹凶駢首西市天道公

宏勳後反正竟以黨逆伏法

聖朝祀典何優崇

賜祠

賜諡褒雙忠已年展謁嗟匆匆

乙巳捧檄赴闕會稽從子彥山過祠瞻仰

今詩補

寇傳郵筒海潮夜上聲隆隆尙驚輦震來甌東

謁雙忠祠

永嘉陳榮振子向

叛逆肆鴟張蔓延禍閩浙甌土當其衝孤城嗟兀跪是時勢  
內訌陰謀互援結弁帥背國恩與賊密關說會議發狂言反

顏叱同列挺節惟二公錚錚心鑄鐵脅降愕不從大義陳激  
烈可碎相如頭任斷臬卿舌城亡與俱亡血濺區刀熱捲地  
天風來妖氛坐消滅褒卹及誅夷賢奸顯分別桓桓昭忠祠  
巍巍臨喘噪殉難一家人祀及奴與姪俎豆四時升馨香百  
代閱弔古起悲風捫苔讀殘碣

華蓋山雙忠祠

甘肅吳思權蓮原

唐代祠雙忠許公睢陽公江淮藉遮蔽昌黎偉其功我

朝歌逆亂八閩勢離叛甌郡據咽喉鍵東南半何來祖宏  
勳裔衆煽逆氛違者手刃之頃刻身首分壯哉陳巡道舉袂

奮誅討叛黨羣肆凶腕斷身不倒罵賊馬邑侯同心誓同仇  
一時雙就義淒慘天地愁事聞

帝震怒迅掃凱音布忠毅與忠勤嘉謚叨異數作廟山之陽  
卜吉歸神鄉旌勞葵忱額懸諸祠中堂兩家襲世職罔替

聖恩特陳隸並馬僕道署差役林崧馬僕人張亦寶附祀理亦得一百四十

年此祠三變遷閩人頌忠毅長歌眾口傳吾省馬忠勤未入  
詩人筆景仰鄉前輩遺跡欲徵實同官謝參軍搜輯諸詩文

鐫刻揚氣節輝煌擴見聞峩峩華蓋山表表兩賢事功業婉  
許張千古光青史

華蓋山雙忠祠祀陳忠毅馬忠勤二公同時殉難有馬

公廷及僕役等厚菴叅軍為分別附祀殿旁階末徵詩

紀事

新城楊炳子萱

赫赫雙忠國史憑千秋廟祀肅嘗忝同心義烈憐膺養攜手  
幽明快友朋華益風雲猶叱咤叅軍筆墨共峻嶺漸予四載  
銅符箱逸事搜羅暇未能

弔雙忠祠

江陰繆步瀛雲士

歐江羣賊如飄蘋天狗墮地垂妖星降幡竟從石頭出議戰  
議守伊誰聽觀察報國明大義丹心不以瘡挾貳叛鎮異謀



起殺機揮刃擊落扇隨臂大令罵賊常山同殺賊不死恨莫窮  
陳公遇害馬公共忠毅忠勤相伯仲親隨甘殉節亦堅義  
聲合並千秋傳吁嗟乎巍巍華蓋高接天赫赫祠宇山之巔  
凜凜生氣香案前煌煌

宸翰康熙年芳臭永垂青史編我來弔古心鬱然

雙忠祠弔陳僉憲馬邑侯及隨殉諸人並感貝子福王  
事

梁溪楊敬承墓廬

叛鎮懷異謀名寇入東甌一朝殺二公降幡出石所 僉憲  
碎賊書白刃斷其手但知死封疆不學蔡太守 烈烈馬武

功叱賊如叱狗常山一寸舌此乃出其右 當年親僕從同

殉大觀亭及今二百載義聲有遺馨 名垂青史燦旌勞

葵忱 賜陳馬二公  
哀翰語 先役相顧頽兒者起敬心 華蓋河崖巖

怒濤驚奔雷淒風蕭寺冷碧血埋塵埃 貝子登山巔

如指掌營屯君子峯頃刻冠氛蕩 天弧妖鳥盡事定已法

彰我我祠堂碑功德記福王

題雙忠祠

餘姚謝祖荃漁橋

君不見鱷烟噴溥東山麓甌江切運驚飛鏃滔天逆勢勾結  
成爲將軍與僞都督卓哉陳馬兩蓋臣大觀亭上身遭戮同

時罹害有官奴殉難兼聞姪與僕雙忠事紀二百年八如華  
蓋高峯轟吁嗟乎古今節烈青史多茲乃同室先操  
意用司農印信國徒傳正氣歌十八洞天望祠宇於今  
重撫摩郡乘千載標金石穹碑百尺森蚪蝨忠魂耿耿鎮  
口直與飛霞之嶺江心之波長垂宇宙同不磨

謁雙忠祠

永嘉陳錦霞晴峯

耿藩負固擾閩越笳聲動地鼓聲竭僉憲入  
觀音下軍議戰議守計倉卒叛鎮通賊畜異謀齋降露之使  
悍卒時有永令馬武功同心協力氣鬱勃二公誓死保封疆

不隨賊臣草間活成仁就義盡厥職僕役忘身敢拒賊茲乃  
死國彼死主報主之義同報國吁嗟乎兆豐獻印惟偷生宏  
勲迎賊竟入城樂協已死樂城覆溫台處郡如破竹偽都督  
與偽將軍到處盡成蛇虎族

王師薄伐來甌江貝子討逆能安邦平山萬丈登絕頂賊勢  
窮蹙如羅鼎四境欣聞鏡吹歌雙忠

劫建山之阿故老猶能述遺事俯仰憑弔感慨多

署溫府叅軍謝厚菴經湖雙忠祠余適值郡伯幕中敬  
題短句三章藉申景仰

陽湖史錫琳硯畦

閩越當年起戰塵大觀亭上弔忠臣封疆一死均無愧愧煞  
迎降獻印人

褒忠祠建翠微岑一樣宸題鑒此心江海潮從山下過怒  
濤常作斬鯨音

山亭寂寂草芊芊荒塚殘碑古寺前景仰雙忠凡幾輩後先  
題詠姓名聯

謁華蓋山雙忠祠

永嘉沈式琳璞人

降賊紛紛者城門忽洞開莫教甘膝屈相與戴頭來殉難忠  
貞在捐軀僕隸陪時危猶議守同上大觀臺

仗節此心同靈昭屢海東直撓諸寇賊不愧兩英雄虔薦溪  
毛潔翹瞻廟貌崇巍巍華蓋上賜謚表雙忠

華蓋山弔雙忠祠

永嘉沈拱宸紫卿

競爽千秋不朽名高峯華蓋竝崢嶸抵排叛鎮危身殉保障  
全甌苦口爭張許忠魂光史冊乾坤正氣付歌行亭前碧血  
交流處凜凜英風護鹿城  
何物妖氛起海潯陣雲四合氣蕭森交推罵賊常山舌不負  
干城守土心僕隸從旁偕效死忠貞到底共輸忱長松五粒  
環祠宇猶子名標在竹林

題雙忠祠

仁和葉誥小湖

豨突鳴張勢東甌早被兵爪牙威敢肆肘腋禍先成義有同心協名堪一死爭空山祠宇在千古式忠貞

守土皆臣分期伸慷慨詞如何專閭寄偏爾樹降旗僕隸身甘殉賢好事可知太平鄉國舊俎豆重追思

厚菴四兄以謁華蓋山雙忠祠詩屬和錄請教正

秀水金衍宗岱峯

我朝龍興天所與爲明復仇掃強虜殷頑梗化立驅除何况庸奴持首鼠逆藩煽亂半東南欲抗天兵控全楚園中一

風雨夕卽今猶有怒濤聲

偶於梁一峯明府處閱王漁洋香祖筆記二卷內載馬

忠勤公子參議公奏疏一篇藺生卽補刊於後

江南蘓松糧儲道參議馬逸姿疏言臣父瑛原任永嘉縣知

縣康熙十三年值逆藩耿精忠之變與溫處道臣陳丹赤恪

守臣節同時殉難荷蒙

皇恩矜恤屢下

溫綸從優議叙贈臣父浙江布政使司參議蔭一子入監併

賜葬祭康熙三十六年撫臣疏請於温州府建雙忠祠復荷

俞允先是二十五年丹赤業

特恩賜諡

二十八年

皇上南巡幸浙丹赤子湖州府知府一夔恭迎

聖駕復荷 軫念

御書匾額懸之雙忠祠榮被萬世臣父琛殉難與丹赤同時  
賜祠又復同祀仰懇

皇上破格一體 賜諡賜額昭垂萬世云云

禮部議覆奉

旨馬琛着與諡旋

賜諡忠勤並 頒

御書旌勞葵忱額

華共山謁雙忠

永嘉樊子係三身

耿逆鳴張甌海東兩公隔難氣何雄封疆身殉知無恨僕役  
銘恩亦效忠大節自同華蓋峙芳名長並鹿城崇相鄰祠宇  
爭輝映前有文公移卓公

